

寶雞縣志卷之七

鳳翔府寶雞縣知縣許起鳳重修



人物

陳倉川明山秀土厚泉深鍾毓有自代生偉人唐
宋以來或以忠烈垂芳或以功勳名世出則係蒼
生之望處則成獨行之書至若埋名高士僑寓清
流仙踪道侶矯矯不羣皆足以增輝史冊有遽數
而不能終者志人物卷第七

古聖

寶雞縣志

卷之七 人物

一

炎帝神農氏姜姓母曰女登有媧氏之女為少典
妃感神龍而生帝長於姜水因以為姓代女媧
氏而作以火德王故曰炎帝以火名官劉採木
始為耒耜教稼穡故號神農氏作蜡祭以藉鞭
鞭草木嘗百草始制醫藥又作五弦之琴教人
日中為市交易而退各得其所重八卦為六十
四爻初都陳後居曲阜在位一百二十年崩詳
見三皇本紀

鄉賢

鄉先達之從祀者歷歷可舉百年事業千秋俎豆
國之寶家之瑞也乃以人往風微彰如鐵板青菜
明史竟皆失逸今志不載后何述焉志鄉賢

唐

楊炎字公南播之子也美鬚眉峻風格文藻雄蔚
豪爽尚氣節河西節度使呂崇賁辟掌書記李
光弼表爲判官不應召拜起居舍人固辭父喪
廬墓側悲號不絕史稱有紫芝白雀之祥詔表
其廬炎三世以孝行聞至門樹六闕古所未有

寶雞縣志

卷之七 人物

二

除司勳員外郎遷中書舍人與常袞同時知制
誥袞長於除書而炎善德音自開元後言制詔
者稱楊常云尋擢吏部侍郎史館修撰會同郡
元載敗坐貶道州司馬德宗在東宮雅知其名
又嘗得炎所爲李楷洛碑錄於壁日諷玩之及
卽位拜門下侍郎同中書門下平章事炎當國
其功之最著者有租賦庸調均稅等法餘載唐
書本傳卒年五十五謚肅愍今從祀

宋

閆詢字議道少以積學著名擢進士第累遷秘書丞監察御史使契丹詢頗諳北方疆理契丹不能欺尋爲進賢殿修撰知河中府河漲壞浮橋詢易爲長橋拜天章閣待制神宗轉右諫議大夫卒年七十九見宋史本傳今從祀

元

王檝字巨川號人金武節將軍麟遊主簿霆之子也性侷儻舉進士不第乃入終南山讀書善天文涉獵孫吳兵法太和中上書論當世急務元

帥高琪薦其才賜進士授副統軍守涿鹿隘太祖將兵南下檝鏖戰三日兵敗見執將戮之神色不動太祖問之對曰臣以布衣受恩誓捐軀報國今旣至此得死爲幸帝義而釋之授都統佩以金符以功授宣撫使兼行尚書六部事乙亥中都降檝進言國家以仁義取天下不可失信於民宜禁虜掠以慰民望累授銀青榮祿大夫仍前職兼御史大夫世襲千戶帝命檝討叛欲盡誅之檝曰驅羣羊使東西者牧人也羊何

知哉殲其渠魁足矣因是得全活械前後戰功
詳國史本傳時都城廟學毀於兵械創立之春
秋率諸生行釋菜禮取岐陽石鼓列廡下庚寅
從征關中長驅入京兆進克鳳翔請於太宗曰
此臣鄉邦也願入訪親族至城得族人數十口
以歸壬辰從攻汴京癸巳奉命持國書使宋宋
甚禮重之械前後凡五往以和議未決隱憂致
疾卒

明

劉俊字世英號樸菴中商輅榜探花初授翰林院
編修遷左春坊贊善陞修撰轉南京祭酒左右
通政至太僕寺卿歷工部右侍郎俊才思敏捷
嘗入對商輅不能及及出與輅講論古今乃爲
輅所難遂發憤讀書學窮二酉歷官四朝政聲
懋著時石亨恃同鄉嘗私有所請俊嚴拒之西
敵汪直作奸人莫敢發其事俊歷陳其惡揭暴
無遺一時兩京有鐵板劉之號聞其風者皆曰
此第一流人也開蜀漢通衢修砌橋路鄉人至

今猶仰賴之壽七十今從祀

張撫字世安性簡重質厚少緣飭終身布衣蔬食不入義外一錢初由進士授刑部主事時都督同知王義劉寧廣寧侯劉銓山西鎮守少監石巖各有罪衆莫敢決撫立訊決浙江副使張蕙罪惡已顯使者畏莫敢言撫治之遂服其不畏疆禦類如此進四川按察副使遇大饑出俸易米三百斛賑活甚衆陞湖廣按察使廣多盜撫令城中曰獲盜者予金時有獲者卽出俸予之

盜由是息進雲南布政使又進南京太僕寺卿歷左副都御史乞致仕不允尋進刑部侍郎明年復乞老命乘傳歸撫精於吏事所在以嚴明稱居官三十年而介節如一日朝野稱爲張青萊云今從祀

楊茂字林修號蘭苔性嚴毅持身不苟英宗朝歷官湖廣道監察御史彈劾不避權貴所至之處諸人避易上諭之曰爾官以察爲名以言爲職在明大體而略細故在愛君子而戒小人毋許

爲直而苛爲能明以燭之公以行之懋修而勿懈爾其欽哉茂受職多年考績允稱尋值南寇犯境出爲雲南廣南府知府到任先賑饑而後討賊人樂爲死卒定其難詔封進階三品今從祀

楊祥字瑞徵御史茂之孫也父翊義官生四子祥居長性孝友博通經史由舉人任順慶府通判廉介有爲剛毅不阿陞夔州府同知督糧儲除夙弊時以民瘼屢懷捐俸補救各任俱有生祠去思碑百姓感戴稱爲楊青天云子舟楫各登鄉薦今從祀

寶雞縣志

卷之七 人物

六

楊汝宮字聖居御史茂之曾孫也祖翀達縣知縣父樂優貢仗義輕財馬家原舊路損壞汝宮於玉澗旁治汧隴通衢由舉人任府判禁絕豪猾催科不擾陞臨江府同知御兵民有方分別土著新附有軍潛入民版者清還歸伍終楚府長史今從祀

白鸞字孟禽號凝陽由進士任行人陞浙江道監

察御史巡按山西舉滯抑橫伸理冤鬱激揚有
體彈劾寧化王事孝宗御前面折廷諍毫無忌
諱時朝臣落胆上卒可其奏人目之爲真御史
今從祀

林恭字子敬由舉人任阜城知縣陞順德知府有
惠政民思之爲立遺愛祠歷官叅政今從祀

林紳號陸川叅政恭之子也由進士任河南懷慶
府推官陞吏部主事在官居鄉和德著聞今從
祀

王世安知渾池縣多惠政及歸紳庶遮道泣留卽縣
治東立生祠去思碑後河南採選郡志註以守
己愛民百姓憶恩立石刊其政績今從祀

高遷高祖元末御史生昇昇生霖霖生廣焚券而
義禔躬砥行生四子遷行二才氣豪爽淹貫經
史爲文章以耐久爲貴不尚華縟讓腴田於其
弟當歲貢推之於老友督學許嘉其節義令主
正學書院筭開講三秦書院初任長子縣訓導
陞景州學正終肅府教授舊志惜其秩位不滿

才德鄉人至今慕焉事業詳長子景州名宦志
子效徹收枚斂俱有父風今從祀

高敷奴字中美號孔垣肅府教授遷之孫儒官斂
之子也由舉人任孝義縣知縣陞山西潞安府
通判後調四川夔州府居官剛方清肅恢宏有
大度聞親訃奔喪哀毀骨立自讀書課子外絕不
爲人居間一遇邑大利害又侃侃陳說無少隱
諱子冲漢中萬歷庚子舉人翔漢中天啟甲子
舉人三孫並膺世襲其由來皆有所自今從祀

王乾元由舉人任直隸順義縣知縣廉正清謹陞
知朔州因地近北邊築堡寨嚴什伍敵至以有
備引去生平敝車羸馬布衣蔬食如寒士先後
委檄十九視篆十一俱有功見去思碑遷濟南
府同知操守一節著有泰山集今從祀

李甲號偉菴由進士任開州知州清謹多惠政開
人立祠生祀後任大同兵備副使期年餘餉銀
一十三萬悉入內帑毫無染指神宗嘉之尋告
疾歸特取大同巡撫未任卒初甲主餉大同時

闕視者以裁省激變乃冒刃撫慰鎮依爲安後
陞冀北右叅議功著安攘以母老乞終養歸今
從祀

党魯字宗孔號槐庄安貧慕道莊嚴方正動必以
禮人多師之孝友之稱鄉族無間一經傳家孫
崇雅位登台輔實其訓迪之力初任原武縣訓
導陞教諭歷山海衛教授今從祀

劉文顯工部侍郎俊之曾孫也孝友力學肄業岐
周書院鄉試薦元不果以選貢歷官教授作新
花建坊四座著奉先集三卷今從祀

忠烈

寧爲良臣不爲忠臣亦視其遭際何如耳若夫變
起非常以身殉難不少顧惜謂非烈丈夫事耶挹
往牒之芬芳緬遺忠之赫濯歛歔憑吊秦嶺之山
石可磨此名不可滅也志忠烈

唐

楊大寶石鼻城人武德初爲龍門令劉武周攻之

死於守贈全節侯子哲以孝行稱

明

高翔漢字雲衢通判數仞之季子也多才能尚氣節天姿敏異讀書日誦數千言歲背十三經一過由舉人任內邱知縣崇正十一年逆奴內犯翔漢命其子及家衆拒守授以方略擒斬有功上嘉其文官能武擢爲導駕給事中襲其三子光暉光曄天錫正千戶官輝斗守備尋遷工科右給事中時北直大饑漕運不繼命翔漢督催

見水涸舳艫稽遲更製飛艇不旬月京師賴以贍給陞都給事中敢言事嘗以語侵宮闈本留中不發越數日上問翔漢無有本奏何也免冠謝曰臣冒觸不測故待罪靜聽發落上謂之曰后誠怒甚賴朕調解汝職司諫無罪也然今後語須酌放活些其照常供職勿沮其見信諒如此甲申之變聞彰儀門啟奮出禦敵左右莫敢從遂隻身跨馬遇李賊前鋒射死城破竟被蹂躪時年五十八並收光暉於鳳翔所至京皆殺

之

楊畏知字介甫號湛我中崇正庚午解元初任司
務陞主事尋陞員外督餉真定等處以廉能聞
陞四川川北道告疾給假以四方多故特起爲
雲南金滄道平土酋靖寇全滇賴以不陷黔民
立祠祀之後京城失守畏知涕泣以忠義激發
將士勒兵勤王懷宗崩舉兵入廣求明宗室立
桂王爲帝孫可望賊渠也勸帝行禪位故事餌
畏知以雲南王爵旣知其不可奪乃伏兵誘而

執之畏知大罵不已提冠擊之遂遇害帝親爲
哭奠贈太子太保文淵閣大學士謚文烈詳具
明史本傳今從祀

高光暉字寅賓給事中翔漢長子也頗涉書史有
勇略隨父任於內邱崇正十一年逆奴內犯協
家衆登城拒守翔漢計曰武備久弛民怯於戰
頻年賊營沙河連縣螺閉鼠藏賊是以肆剽無
忌我若夜出壯士多持鼓炬伏於營西俟彼前
來集城城中高放起火伏從後大張聲勢彼謂

外援且至其心必亂亂而乘之可以轉守爲攻
誰堪使者光暉應命願往選民快數十輩潛出
各布信地家人王達子從之將四更賊薄城下
伏望見城中起火皆奮搥鼓聲震地炬光競出
襲燒賊幕賊果亂奔營守者開門躡之弟光暉
擊南門天錫擊北門輝斗傳軍號多所擒斬王
達子以救光暉幾爲所獲力鬪得脫虜退內邱
邑人喬爾年等叙其事隣治李家彥爲尸祝歌
事上兄弟三人襲千戶輝斗授守備王達子把

總後本兵張國維題內地斬賊首三顆應陞二
級皆改正給劄世襲正千戶任鳳翔府守禦所
屢挫賊黨奏報紀績輝斗陞河州叅將崇正末
年京城失守光暉被執至京大罵不屈引頸就
戮觀者爲之出涕曰此內邱公子也卒年二十

八

宦績

匹夫有善片長亦錄况爲國霖雨澤潤生民方尸
祝於遐方豈佚傳於梓里寶邑通籍多材膺華膺

之仕而著循卓之聲者可勝數哉茲據諸公行述
碑志及家乘可備採錄者著於左志宦績

明

高射斗

字望微受業於叔祖數仞中萬歷癸卯舉人知東流縣以教化為先朔望宣諭士民

皆感動按籍履畝無游民匿課永草羨餘安置舖塾舊規課諸生眼寒士人文蔚起如李錦高日昫盧辰王家鐸黃輔周悉知名所屬香口吉陽二鎮歲供鮓茶麥魚俱行力蠲邑有積暴張問學陳良瑞嚴寘之法豪貴不敢撓境接望大湖巨盜出沒剽掠相戒弗入境而五年不知汛警修常平倉備荒歉建石潭橋濟襄涉造興文閣補風氣不取民不動公悉捐俸為之邑固無事事而池州一郡皆願高青天平反刑獄士民賡德勒菊水流膏詩文凡三卷為山西大同府

寶雞縣志

卷之七

人物

三

丞時邊烽巨剽督撫道揣不前射斗獨王之諭以朝廷聲靈赫濯禍將汝及威感悟稽首歸命代藩遣祿者將謀謁驄使鼓譟將判府茅者當面叱詈上臺又專使射斗往多方措置始獲帖然代世子憐其慎能時加餽賚宣大統一按察諸城堡痛絕常儀即謝薦亦盡麾之署篆渾源二廣靈一東路一大同縣一縣倉積金八百餘兩舊規縣費不報射斗欲報充餉吏白止之射斗毅然曰吾行吾志耳遑恤他哉竟報之大同令張從容雷化人著下下考過堂時射斗抗聲曰少年甲科負才氣有之餘非所聞也止降級張來謝不納曰非望報也知楚雄府時御以清簡別駕莫者廣西人墨甚射斗立劾之官僚咸凜凜士民競騰神明父母之謠郡轄土司素橫燭眾郎選帥練卒不三旬而殲之土稱九種苗夷俱聞風向化未竟其業以疾告歸卒于家時崇正庚午歲也子四屹早逝標除河南布政司經歷麟知慶元縣响白水教

韓燿

字心垣崇正年戊辰拔貢知順義縣時當新破

之後積尸縱橫人民逃竄燿恤死吊孤招集
督師楊文岳甚器重之未幾汝寧陷文岳與僉
事王世琮死之燿時署信陽州聞變亟還收文
岳世宗屍於亂軍中棺殮之取其印申報省部
命下卽以燿為汝寧知府尋陞汝南兵備道勅
令勒兵恢復地方燿受命簡募營兵得千餘卒
之以徇州縣遇偽官卽擒斬之數月間恢復一
十六處又以全省失陷者多部下兵力寡弱不
足當賊乃上書選將亟勦並自劾求禡懷宗手
勅獎諭謂其忠勇可嘉不得求退燿枕戈臥甲
者復二年境內相安甲申之變北向慟哭以忠
義激勵將士旣而知事不可為遂投印綬於政
府抱憤西歸後我朝詔求遺逸府縣勸之仕
力辭角巾素服杜門不出教子孫時以忠君愛
民四字為體認
壽九十一終

寶雞縣志

卷之七 人物

古

高嶙

字陟雲楚雄知府射斗之子也少受業於叔

祖翔漢以順治辛卯拔貢任浙江慶元縣知
縣催科有法舊規稅畝不清或戶坐數畝而賠
墾一戶之輸或合戶別坐以朦朧而漏十年之
役滋弊種種嶙置實徵冊詳載某戶某獨坐某
戶某某合坐五月以前嚴比限年五月以後逐
比花戶其花戶見年止令完本身並不株連每
逢比多方善諭先完者給賞花紅不及數者姑
寬限期謙以禮士皆得其心諸生坐戶之稅不
待終歲爭先完納為百姓倡修學宮均夫役禮
士校文式賢表貞一切陋規革除殆盡凡城隍
治署兵燹後滿目邱墟罔不興復種種善政不
可枚舉載石龍合膏集中嶙精於吏治燭姦無
隱簽票告諭逐件判押各有暗識以筆畫輕重
長短別之其天日陰晴風雨亦別有識故折獄
以是訊驗無不得實無情詐匪術無由施因罔
一空詳見諸
紳庶頌謠

强致中

字詣極順治甲午舉人任懷柔知縣興利除害邑有茲誦聲行取戶部主事分司四川財支別釐積弊司農高其才薦陞福建司員外尋轉刑部湖廣司郎中有節婦馮氏誣入監獄卽直言廷諍辨雪其冤俸滿外任江西吉安府知府判十載未決之墳地却暮夜私餽之千金辨邑令楊嶠之誣釋巡司盛瑞之冤九邑官吏凜其風霜合郡士民敬爲神君解組之日臥道攀轅不忍離去云

党居易

字子庸大學士崇雅孫以祖蔭授湖北均州知州當流寇蹂躪之餘額垣敗壁荆榛極目居易招徠撫字流徙漸復癸丑冬吳逆告變次年譚楊諸賊突逼城下其時守備寥寥危若累卵居易以世受國恩矢志與城存亡出家中劍鈿之屬募敢死士率以死守會援兵大至圍解軍功題叙陞屯田員外郎繼陞江南司郎中釐弊剔奸陞授廣東南雄知府嚴飭屬員痛

寶雞縣志

卷之七 人物

五

章火耗設義學行丈量補築陂堰濬溝八十餘里灌田萬餘頃南雄人感德立祠三十年陞廣東按察副使分巡雷瓊道嚴禁陋規力行保甲先是瓊郡孤懸海島民黎雜處叛服靡常居易恩威兼濟黎人悉知向化民賴以安三十五年丁內艱歸

高維岳

字崧山知商城縣晉劍州知州材之子也年二十以康熙己酉科拔貢赴部考授別駕家貧親老就祿降秩改授山東鹽運司經歷藩臬甚器之令代篆平原商河肥城事所至有聲臺使者以才能保薦授真定府藥城縣知縣地當孔道事劇民疲維岳撫字休養釐剔宿弊修學宮繕城垣施藥煮粥以贍鰥寡廢疾種種善政載遺愛碑著有學耕園存稿

馬開泰

字孟伯康熙甲子舉人知山東章邱縣事治門簡易便民相率向化壬午甲申間連遭水旱蝗蝻開泰卽詳呈被災情形於各憲奏請發

帑賑濟民困頓蘇開泰念學校人才所自出而
文廟傾圮重議補葺邑人感誠樂輸建義學三
楹爲諸生肄業所朔望親詣課文於其間多所
成就鄉會聯翩又創鄉約所於治旁率百姓父
老宣明

上諭民風丕變興築堤防屏水患折斷平允人皆
悅服行取刑部主事補授山東清吏司審
理矜慎在官三十年以疾告歸卒於家

强兆統 字仔肩康熙庚戌進士任廣東電白知縣
廣多巨盜赴任未至境爲水賊劫剽並憑

皆失兆統計購憑得到任弭盜甚嚴於城外高
阜築台樹杆上懸大鑼遇警則鳴鑼驅逐獲則
杖斃有渠魁爲知府某陰庇將寘之法而府牒
下兆統覺其情不發封仍立斃之知府心含之
而無可如何以故十年不調興利革弊多所建
立設義學課士子文風丕變電邑紳士率當總
甲抗糧把持作奸兆統白于上台治同齊民由
是刁風頓息知府某陞後始行取吏部湖廣清

寶雞縣志

卷之七

人物

六

吏司至事陞四川司員外尋陞江西司郎中奉
命典試江南秉公衡鑑江南名士多出其門未復
命卒於行署同寅部堂皆
悲之爲文以祭

徵辟

哲后開基旁求俊乂興王圖治專資老成收逸材
於異地訪耆舊於前朝雖士各有志無能相強而
知遇之隆未可一日忘也志徵辟

党崇雅字衡彬號于姜天啟五年進士累官戶部
左侍郎我

朝定鼎訪求遺佚順治九年授戶部左侍郎九月改

刑左崇雅念舊邦再造民志荒惑恐罹法網奏請定大清律書輕重比附爲百世規平反之下全活無算三年考績廕一子五年陞本部尚書六年晉太子太保八年調戶部尚書諸司凜凜奉法唯謹節時餽一魚一菓力却之日飯粗陷蔬至家童有乞去者厮隸赤脚單袴風雪中從崇雅策蹇過天街都人士相聚觀嘆曰尚書公一寒至此哉八月加少保廕一子九年十月乞歸廕一子 賜貂帽貂袍襪靴各一十年四

寶雞縣志

卷之七 人物

七

月特加歲支原俸令本處督撫按官時加 存問十月復

詔起用以侍養繼母疏辭十一年正月入 覲加太保拜 內國史院大學士局居禁署謝客却掃親故難覩其面暇則據几伸紙以課阿郎猶矻矻作舉子業十三年上疏乞骸骨廕一子馳驛歸仍 賜帽袍襪靴九月遣官 存問賜馬羊酒壽八十一卒賜葬賜祭從祀所著有圖南草意先草焚焚草前後疏稿二十卷

文苑

雞岫嵯峨渭流澶漫爲關西秀絕之區必有詞人
學士接踪而起言爲國華行而自遠流山水之輝
成掌故之集不一二而足也志文苑

明

高敏字克勤號澗川宣明里人肅府教授遷之第
五子也少治戴記嘆曰周公制作其廣大精詳
如此下筆數千言立就識解悉出人意表補增
廣生員稍長博通羣書不好緇黃言然遇建修

寺舍持緣踵門則未嘗吝也一入鄉闈不得售
遂不復應闈學推其文行兼優邑令陳申學道
李親造廬請飲舉爲儒官敏教子有方子數仞
遵庭訓行立仍從祀鄉賢諸孫皆登鄉薦建坊
於縣東街曰世魁所著有澗川集

本朝

党丕顯字知微號亦姜永豐里人雷瓊道居易之
子也富而好義喜文士與同邑趙碧強良佐盧
士英楊庭桂張式仲毛儀張雲漢袁如幾楊之

春九人結社號十友終日飲酒賦詩草聖臨池
以爲樂九人者家皆貧不顯時加周恤而碧等
目中素無不顯家不顯愈益敬重折節下之先
是高念一以世胄家學源淵詩字擅名一時敏
子數仞數仞傳子翔漢朔稱佳公子不顯慕之
漢傳姪孫麟麟傳子念一力矯氣習不以閥閱相高而以清議見推爲榮
士林翕然歸之年二十八中康熙己卯副榜仕
終文縣教諭其書法雅愛懷素蔡米諸家大抵
倣蘇爲近與月丹楊庭桂字齊名所著名亦姜集

毛儀字象生淳化里人居磻溪因以爲號幼聰穎
好學出語輒驚長老旣長遂通六藝百家言康
熙乙丑應選拔試貢赴成均時大司成翁鐵菴
暨會狀彭司業咸以國士目之固留肄業儀以
親老辭歸喪葬哀毀出於至誠悉依古式一時
驚怪而儀不疑也辛酉鄉試不售遂棄舉子業
慨然有求道之志指關中三李爲姚江派絕不
與通築書室於磻溪上講明正學四方學者日
益進讀書之暇臨淵而漁登高而詠妻子熙熙

終其身無外慕意所著有磻溪集三字歌批點
孟子告子篇書義及四書制義數百篇嘗謂小
學有一二錯簡欲訂正之並欲更訂陳註未就
而卒壽六十六

張君錫字公舉號平原仁義里人性敏慧羣書一
覽輒成誦而於夜中默識之或日有所爲身在
此而心未嘗忘以故淹貫五經諸子而人未有
見其讀者年二十一補博士弟子爲文長篇大
作旣而盡矯其平日所爲以短兵相接部勒森

嚴光焯爛爍先正中無其比居然自成一子中
乾隆戊午亞元居恒見藝輒能絲竹之技皆不
假習而吹彈合度蓋天分迥超人也戊辰中進
士卒年四十一所著雜文數十篇四書制藝二
百篇短者已成家名養拙齋集行於世

彭延齡字介眉號松巖衆安里人性敏美鬚眉持
身不苟居家孝友溫恭未嘗見其肆色博學多
聞應康熙甲午鄉試房考薦元再四以次藝不
作結束抑置副乘遂不復應考爲文出自性靈

不作帖括套士林競傳誦之壽七十卒

張鍾英字伯庸號亭山務本里人以遺腹子恪遵
母訓克成立早入庠博極羣書時以顯親爲念
每有所出必負王隨寓奉祀飲食必奠感時節
涕泣交頤中乾隆甲子鄉薦意未釋也九上公
車皆躡或勸之就降出仕以母命不敢少安老
愈勤讀作雞峯池陽兩書院山長及門多所造
就爲文獨造深詣不作時套語名公宗匠皆稱
之著有亭山集

孝友

孝友庸行也而奇節寓焉苑川風氣淳懿追曾閔
之踪廣陶潛之傳者正自不乏諺曰過孝子之門
則生敬見悌弟之夫則知愛識其姓字俾夫忘孝
弗弟者見而悛心易轍焉志孝友

唐

楊哲以孝行稱子播孫炎三世孝行有紫芝白雀
之祥詔表其廬門樹六戟古所未有

明

趙一元邑庠生父疾衣不解帶朝夕奉侍無違及
葬廬墓三年哭聲不絕聞者感泣邑令張申允
督學姜扁其門曰孝子

趙演號習之父早卒事孀母竭力承歡母卒廬墓
哀毀骨立院道俱旌其門曰純孝可風恩錫冠
帶

劉守仁衆安里人爲母郝氏廬墓三年院道徐扁
其門曰孝子

楊倣程邑庠生父歿七日不食督學獎其孝行

張素知太寧里人三歲母孀居撫長勤耕色養諸
艱備嘗爲其父孝母節請表建坊母病晨夕泣
禱願以身代衣不解帶者數月喪葬如禮邑令
敦請鄉飲壽八十有六

楊崙號述齋父早卒母彭氏八旬邁病崙扶起居
除污穢晝夜不離側卒葬如禮院道旌以孺墓
終身

方世恩母董氏多病迎醫侍養數年無怠色時物
奉親而後入口母喪三日不食三年不扇不爐

院道表其門

李郁邑學生家貧性篤無偽卅角知事母母病朝夕不離湯藥必先嘗隨母食多少衣不解帶遭歲荒走百里負米以延母命母壽七十餘間里稱爲孝童

李桂芳年十餘歲家貧傭作養父父卒竭力衣殮藁葬城西而日哭於墓所歸則爲位哭於室供奠尤謹一日聞母言父生時有畫像遠寄遂走數百里得而事之母等故傭不能備禮亦權厝

焉後桂芳壯稍有積卽營域易棺槨合葬復斬衰三年悲號幾滅性遠近感動院臺行文表揚田良祿兄弟同居五十年曲盡友於之忱子孫教以義方入庠者八九人按臺給扁旌之後兄歿哀慟不食三旬尋歿學道余比以古田紫荆楊孚光善事繼母周濟貧乏課子弟成就甚衆邑令師以耆德請飲

國朝

王可久八魚里民事繼母張氏至孝張病可久日

夜號泣禱神割臂肉佐藥母病果愈邑令何石雲旌以孝行可風

張繼昌字熙如太寧里庠生性孝友湯藥親嘗喪祭盡禮豐奩歸妹推業遜弟艱苦實蹟詳載集傳邑令嚴題贈誄詞閣學党崇雅題詩表墓臺院名公俱有贈章載家藏集中

潘繼昌富國里民崇正末流寇熾張繼昌父年老被虜卽入賊營乞以身代賊義釋之後有田氏謀命於其兄胤昌繼昌慷慨自任事訖得雪毫

無德色是年卒妻楊氏守節奉姑人稱夫孝婦貞

張式中字友則由舉人任蒲城縣教諭性清介孝友事兄如父嘗以祿不逮養爲恨對人言輒流涕母歿七日不食薦享以時必誠必敬著祭說語出至性有孫女數輩相嬉戲曰祖愚今歡甚吾能使之哭因擁爐而謂曰我曾祖母昔年並無此炭式中卽愀然果泣悲不自勝其誠孝類如此秉蒲鐸時教諸生先德隅後文章沐其德而

成令器者以百數有貧窮者輒餽遺之不計其
俸惟以明倫爲本不受暮夜金一富紳得罪叔
父訴之學富紳厚賄求免式仲佯許之而次日
竟正其事擲賄當堂責之蒲父老大悅秩滿歸
卒於家郎中袁衷戴其故門人也外任四川將
入覲過寶謁其家懸真容時衷戴年已七十餘
俯伏拜起泪流交頤曰吾邑中歷來老師無有
出其右者陰畱十金於祭物中而去

李丹衷清水里貢生事親純孝御史施扁其門曰
孝行攸隆後銓渭南縣訓導未及赴任卒

王大烈永豐里民年十三而母卒父年五十餘大
烈負薪以爲養後家稍裕父好施與每先意承
之父臨終囑諸子曰願諸子皆如大烈家斯昌
矣凡父在時所屬愛者終身厚待不倦修祠於
家園北四時哭薦無缺歲歉則出粟以助親隣
嘗儲麥二十石假鄰里老成者董其事以爲此
間備荒之計年六十有五卒

董永清慕儀里監生事繼母叔母俱孝善撫弱弟

以慰母心一家大小相觀而善閭里稱之

史紀祥衆安里民家貧性孝作商奉親其父患癩疾遂停生涯朝夕不離側三載衣未去身父疾篤悲號泣血而卒其父每哭之曰孝順兒蓋至性人也

張振聲字玉金慕儀里郡庠生幼喪母事繼母齊氏三十餘年得其歡心齊亦撫如已出邑令劉扁其門曰品行可風教諭梁旌以母慈子孝

王纘志永豐里庠生仁孝性成謹守禮度父庠生

世臣臥病纘志衣不解帶親嘗其糞人以爲有黔婁之誠父疾果愈後教授鄉塾尤善啟迪

張敬修字恪恭磻溪里庠生持身孝友善體親心甘貧好學潛心程朱居恒以詩文自娛耄而不倦築室清溪之旁自號清溪居士所著有四書抄效顰集

董成梅慕儀里監生考授州同知孝友性成有堂叔卒於外成梅扶柩歸殯族弟乏嗣代爲娶妾生子兩值大荒捐糧救饑全活者甚衆生平好

善樂施建橋修祠不特殺不精食數舉鄉飲年

七十七卒雍正九年七月請旌建坊入忠孝

祠

王體乾八魚里庠生痛父卒其叔父娶室之三日

又卒體乾哭之慟雙目睛出垂至寸餘家人悉
惶恐急以冷水送之復於眶歲餘憂死

沈昭宜明里武生事母至孝其母足患頑瘡每暑
月發痛昭以口吮其膿血痛少止如是歲以爲
常人皆稱之

容爾質字寓章孝悌里庠生家貧事親甘旨必備

親歿哀毀骨立張孝廉誌其墓曰春風沂水負

高士之襟期負米扇床敦昔賢之至性生平一

經課子履困能亨子孫多成名人稱順德之報

楊紹襄字繩宗邑庠生少孤事母撫弟妹備極艱

苦邑令王權延爲義學師以硯田所獲獨葬三

世八柩嫁堂從之孤女四人庠師

郭胡

獎以孝友

邑令錢界舉孝廉襄以老辭卒年七十有一

閔克鑑字衡齋務本里貢生有至性事父及繼母

以孝聞親多病克鑑奉養左右由是通醫理父
暮年不能行克鑑常負之出入及如廁朝夕除
浣污穢年五十餘孺慕鄉黨皆推其誠

車彤輿務本里民性孝友日耕夜讀朝夕承歡

張燮底店里民年十四母病割左肱肉奉之尋愈
義行

范蔚宗撰獨行傳歐陽永叔撰一行傳皆義行也
寶邑地處岐西三代之直道未泯文武之雅化猶
存或藉學問陶鎔或抱天姿粹美見義必爲不愧

寶雞縣志

卷之七 人物

三

衾影宜特書之以風世志義行

宋

楊從儀字子和天興人初補進武校尉吳玠檄領
兵進復鳳翔悉降其衆不戮一人得粟三千餘
斛玠貯之以資餽餉軍不乏食士卒感悅遂移
府事以治之檄從儀知天興事本府駐劄紹興
改元敵復圍鳳翔勢益熾從儀泣告二親潰圍
求援與子大勳帥百餘人力戰突圍得出玠壯
之權選鋒統領守神谷四月與敵戰於渭南以

奇功轉秉義郎遷副將初鳳翔有流民數萬在
境內或疑其反側悉拘於山谷間從儀矜其無
辜皆縱之後岐雍大歉流民復入關就食從儀
納之所活甚衆西邊饋運自昔頗艱從儀至鳳
翔首創營田四十屯民力減省軍食充足

元

張龍陳倉人也有功於隴民德之洪武初錄其功
無嗣可廕因封木州城隍之神令有司到任誓
於廟朔望行香見孤樹哀談及會典

寶雞縣志

卷之七 人物

元

明

路雲程號紫炎好義急公輸金濟難邑令申文請
旌有身非鍾鼎豪族節慕元賞高誼之句

楊胤賢號西洲居鄉醇謹穆乎古風捐產濟難甘
心貧窶誘進後學門生以百數

高克良耆民也恬淡莊嚴途拾十金追給遺王饑
歲捐粟贖還鬻人督學姜表其行云朴茂廉潔
遺金餘粟必卻必償且堅不就飲真古葛天之
民乎特表之以勵風俗

王國忠樂善好施正統三年九月二十日勅下陝西鳳翔府寶雞縣民王國忠國家施仁養民爲首爾能出粟一千一百石用以賑濟有司以聞朕甚嘉之今特賜勅獎諭勞以羊酒旌爲義民仍免本身雜泛差役三年尚允蹈忠厚表勵鄉俗用副褒嘉之意欽哉故諭

韓惟賢重義隆師邑紳公舉德行提學姜賜旌扁賞紅緞二端邑令朱炳然敦請鄉飲固辭不出造廬而強之壽八十四卒遺訓孝弟爲心耕讀

寶雞縣志

卷之七

人物

三

爲業曾孫煜起家至布政叅議

楊威字海聞由武舉任固原督標千總陞守備以親老乞假歸值流寇犯境邑令嚴夢鸞知其技勇邀共守城時率鄉兵出勦多所斬獲一旦搜賊於縣西谷中遇伏威知衆寡不敵麾鄉兵退走入城而自以身殿後被數十創力戰而死嚴令爲之親視棺殮

國朝

張遇留字省吾明末增廣生員值李自成亂日夜

切齒恨不能殺賊及賊陷北京飲泣不食者五日投繯未死我

朝定鼎元年有五閻王者賊黨也受李偽爵見自成敗率三百餘人行劫賈村等堡居民騷動遇留忿甚而力不敵乃給之歡飲伏壯士執挺於坊肆間酒酣遇留佯醉而號四面羣起盡捶殺之賊婦有飛行術赴省鳴冤自稱平民無罪遂械繫遇留拷掠無完肌遇留惟稱大明皇上問官詰之遇留曰崇正皇帝英烈仁聖被賊黨逼死

犯生恨不能食其肉而寢其皮今拚死除之亦欲爲大明復仇耳上憲義而釋之上聞嘉其忠義授藍田縣教諭後吳逆亂復欲自効以策略中武解元任江南屯局都司未數月卒於官同時有王張馬三人俱以拚城稱邑貢生毛儀作三人合傳

程大謨礪溪里庠生國初經兵燹逋賦累年里民逃竄十有六七大謨捐貲代輸匿亡始得歸里復業詣大謨納欠契者填門大謨曰吾不欲持

此復迫人也悉於階前焚之與其從弟分產時
凡田廬器物任擇而取其子孫不能平叱之曰
爾曹藉分時財豈能自立耶其處事每如此
袁扶鼎崇德里鄉飲耆賓家世淳朴自其始祖守
純至扶鼎立品端方克敦孝友親睦族里六世
同居內外無間言鄉黨奉爲儀型

張宏德墓儀里民五世同居翕然和美人皆矜式
張秉誠慕儀里庠生九世同居不肯分析閭里咸
稱其義

孔伯江西渠里民六世同居現在食指浩繁五十
餘丁相友愛從無詬誶聲

張學孔伐魚里民孝義好學教人盡心啟迪康熙
三十年有窮民王楷客遊至寶奉母抱子母病
且危無所投奔學孔館之給食月餘病故與之
衣棺後資送楷歸杳無音信學孔卽代爲瘞之
孔非豐裕之家又值大祲之會時以爲難

劉福衆安里民乾隆十三年代完本里軍需銀二
百餘兩不求利息亦不問還給邑令周扁其門

曰急公捐私

葉枝松涼泉里民有楊雷之子三種瓜涓濱適河水暴漲草庵湮去三子俱棲於柳兩日夜柳又將臥雷夫婦躍岸號哭枝松招集水手以椽作筏救之有郭弘基張師聖亦樂從助懸賞犒以酒食延至半日水手八人利而入水援出閭里義之

倪甲第涼泉里民業醫年三十餘在外懸壺夜有少婦私投甲第正色拒之不去遂大呼驚鄰婦

賈雞縣志

卷之七 人物

三

懷慚去嘗語人曰晝則畏人夜則畏神臨終以此諄戒其子

霍紳洪原里民家赤貧賣飯度日一日担飯出市籠中忽有白銀五十兩紳思必吃飯者所遺也而市人過多不辨其主遂收藏待訪已過多日果有山西客來認紳聞之卽面承完與不染分文客欲酬謝固拒弗受邑里公表其門曰拾金不昧

王之腹孝悌里民家貧賣餅在陳村鎮拾銀八十

一兩覓還其王府尊趙署邑令高聞其事賜額
曰風追裴晉

張思敬孝悌里民賣豆腐生理在賈村鎮拾銀三
十九兩候王找尋如數給還客欲分半相酬不
受闔鎮題其門曰拾金不昧

毛九齡邑監生溫厚好善清水河舊有渠灌田頗
艱九齡於乾隆七年鳩工捐資鑿南山石引水
順利灌溉始廣人以爲便

張寤聲務本里庠生正直端方讓分屋於其兄年
未三十而鰥不負結髮之義堅不再聚鄉人稱
之

隱逸

在蠱之上九曰不事王侯高尚其志夫聖賢以用
世爲心而逸民以肥遯爲節所遇之時不一亦各
從其好耳苟意不倍乎道其出處何必同志隱逸
商

渭渚農人不知其姓字呂望年七十釣於渭渚三
日夜魚無食者望忿脫其衣冠上有農人者古

之異人也謂望曰子姑復釣必細其綸芳其餌徐徐而投無令魚駭望如其言初下得鮒次得鯉刺魚腹得書書文曰呂望封於齊望知其異事見說苑

唐

楊播孝子哲之子也舉進士退居求志玄宗召爲諫議大夫棄官不就自號玄靜先生子炎官至宰相

本朝

寶雞縣志

卷之七 人物

五

李修字汝欽號姜水福緣里人少入庠輒棄之走蓋屋從二曲李顥學聞其說欣然若獲故物歸而家修不出戶庭者數十年博極羣書剖悉精與躬自砥勵其志不作杏壇中人不止也遊西蜀有程途記著心心精一二錄名姜水語要憫世儒汨於詞章不知刮磨心體補薛存齋四書說蘊大有發明邑令燕山李瑩受業於其門山陰劉令常造門扁其堂曰當代儒宗序云先生精研理學潛心著述言坊行表士林之楷模也

予承乏茲土得瞻丰采聊贊數語以誌景仰云
雍正二年三月卒年七十有三修著述甚富皆
散逸今所存者有語要說蘊左箴右箴世譜學
祭等規而已

流寓

陳敬奔齊吳札來魯由客星之煥彩致珂里之生
輝陳寶山水窟宅民醇風古高流韵士恒託跡於
斯舊志殘缺湮沒不傳僅拾蠹楮泐碣以識鴻跡
雁聲外此父老口傳者無徵可據聊用闕焉志流

寶雞縣志

卷之七 人物

三

寓

周

呂尚東海上人姓姜字子牙炎帝之裔伯益之後掌
四岳佐禹平水土有功封於呂故姓呂避紂亂
居東海聞西北善養老乃隱於渭濱西北將獵
卜之曰所獲非龍非麕非虎非熊伯王之輔于
是出至磻溪果遇尚與語大悅曰自吾先君太
公曰當有聖人適周周以興子真是耶吾太公
望子久矣故號太公望載與俱歸立爲師後佐

武王伐紂興周尊爲尚父封於齊事載史記齊世家著有丹書陰符經六韜

唐

岑參南陽人文本之裔孫也博覽史籍幼工綴文屬辭清尚用心良苦偶有所得徃徃超拔孤秀度越常情每篇絕筆人競傳諷寓號州有東亭送李司馬詩又見渭水思秦川詩有集十卷行世

賈島字浪仙范陽人遊寓西京於縣西南創建雲

寶雞縣志

卷之七 人物

七

蓋寺好爲詩一日騎驢以手作推敲狀韓愈爲京兆尹驟出島跨驢已至第三節講詰之島曰欲作僧敲月下門旣欲易推字未能定故擬似耳愈曰敲字佳矣遂定爲交後舉進士官至普州司倉叅軍著有浪仙集行世

方外

自紫氣東來貝葉西至學仙求佛者比比而至寶邑崑壑崇深多人跡所不到之境清修苦行者每假此捐棄俗累得以超凡而證果聖跡未湮法雲

長護有可縷指而悉數者志方外

關令尹喜周夫人善內學常服精華隱德修行居
縣南之通仙觀時人莫知老子西遊喜望氣知
有真人當過物色而遮之果得老子受道德之
書從遊流沙化胡勝苳勝實莫知其所終尹喜
自著書九篇號曰關尹子

簫史秦穆公時人善吹簫能致孔雀白鶴於庭穆
公有女字弄玉好之公遂以女妻焉公爲作鳳
臺於縣東之號邑南令夫婦止其上不數年一

寶雞縣志

卷之七 人物

三

旦皆隨鳳凰去秦人爲作鳳女祠雍宮中時有
簫聲

張三丰名君寶字全一一字元元世目爲邈邈元
末居縣治東金臺觀畱頌而逝邑人楊軌山置
棺殮訖臨葬發視之復生日行千里靜則瞑目
所啗斗食輒盡或避穀數月不饑處山林遊城
市嬉嬉自如經籍典墳過則成誦詩語瀟灑與
人議論三教若決江河洪武初太祖遣三山道
士訪於四方竟弗至太宗尤奇之致書稱真仙

張三丰足下朕久仰真仙渴思親承儀範遣使致香奉書遍詣名山虔請真仙道德崇高超乎萬有體合自然神妙莫測朕才智疎庸德行菲薄而至誠願見之心夙夜不怠敬再遣龍虎道士謹致香奉書虔請埃雲車夙駕惠然降臨以副朕拳拳仰慕之意卒不就時長安西郭土室中有道人神情朗異鬚張如戟而身垢穢不堪自云姓張喜與郭民劉寡蕩遊嘗以身垢爲丸醫人疾病後他適而宗伯胡濙奉命來訪覓劉寡蕩言其動履蓋似張三丰云至後或隱或見問者專以仁義道德爲言事事先見如神天順己卯睿皇帝贈通微顯化正人錫誥命

馬丹陽名鈺字宜甫湖廣武昌人自幼好道雲遊三省未得真法貞元三十年與丘真人同居於縣之西號後世宗太定七年至誠格天紫陽真人王嘉化凡人傳道詩曰西山白虎性猖狂東海青龍不可當二獸牽來令死鬪煉成一塊紫金霜又賜丹書一部名曰崔公入藥鏡從此悟

長生之術得九轉還丹之訣嘉以七月抵海寧
儒者范明叔家主人適與郡人馬宜甫邀館於
私第初宜甫夢其園一鶴從地湧出嘉至同擇
地立庵嘉指鶴起之處命名全真全真之名始
此矣宜甫乃屏去塵累改衣冠而執弟子禮嘉
名以鈺字元寶號丹陽子後在邑西牛頭寺修
煉七載道成丹就募化金資補修寺院恭貼無
量祖師金像一尊每日沐浴於洞北之泉羽化
丘處機字通密道號長春登州棲霞縣人金皇統

八年從丹陽入關居西號磻溪修丹二十八年
召至燕都問至道對以寡欲修身之要保民治
國之本賜巾冠袍帶後承元太祖詔至阿不罕
山過鐵門隨處施教道化甚多元祖見而欽崇
師事之一日問曰師每日戒朕止殺何也對以
天道好生而惡殺止殺保民乃合天心年八十
六登寶元堂留偈而逝元贈長春演道主教真
人有磻溪鳴道二集行世

釋廣智號不空宋彌羅院僧也不知幾多年歲形

軀僅如童子而識行弘通德聞於朝太平興國
四年太宗特命鴻臚卿奉詔封爲太師以玉槨
勅葬於院之北境復改院爲大興善寺卽今之
瓦峪寺有高僧偈云福慧智此同相覺了本圓
道慶通玄祖清靜真如海湛寂貞常素德行永
遠行妙體昌堅固性明鑒崇作理正善喜祥謹
愍元卽度雪庭爲導師引入皈賢路疑卽不空
所留

愍休和尚法名廣教雲水行脚僧也康熙間住東

寶雞縣志

卷之七 人物

聖

彌陀院多年頓悟宗門慧解莫測清旨禪人師
禮之所著敲空擊響若干卷並語錄等集行世
邑內古叢林二所小蓬壺青峯山異僧高道
俱詳各所碑記

耆壽

治世恒多人瑞王政首重高年雖杖國杖鄉之齒
不同而拜老乞言之典具在達尊有三禮綦嚴矣
舊志無徵第舉

本朝之預飲賓筵而耆年之齒德兼優者列其姓氏

所以厚風俗而崇禮教也志耆壽

介賓

王昌瑋 邑庠生和厚莊重動止有法

李仕 邑庠生慎默寡言作事有恒

楊天樞 邑庠生敦厚端嚴德藝優長

強作材 邑庠生立品端方鄉人引重

王學孟 勤于問學清儉律身

田肇基 邑庠生孝弟居家義讓接物

王公聘 邑庠生氣度恢達仗義可風

寶雞縣志

卷之七 人物

望

高而誠 邑庠生以禮持身言動不妄

張璵采 邑庠生淳厚謙恭持身孝友

袁肇基 邑庠生忠厚和平族里欽重

翟寬 邑庠生謙讓好義鄉里矜式

高天健 邑庠生為人敦篤朴誠

馬馴 邑庠生持身不苟待人以誠

楊起鵬 邑庠生勤儉醇厚儀型一方

喬其昌 邑庠生安貧樂易耄而勤學

茹弘士 邑庠生端嚴正直學行兼優

馮廷秀 邑庠生持身謹

王世福 邑庠生敦重友

孔宗孔 邑庠生樂易善

張廸良 邑庠生矜謹寡

耆賓

明

高牧 號南園持身周

楊應選 耕讀傳家

國朝

寶雞縣志

卷之七 人物

三

楊調鼎 長厚有禮

楊珉 敦厚有禮

袁光佑 樂善謙讓

杜如梅 好善喜施

朱希鵬 樂施急公

宋毓周 持身醇謹

李允德 周急排難

張明禮

黃天祥 勤儉孝友

周急恤貧

李元愷 忠厚公恕

田賓 樂善勤慎

楊爾翠 處家和睦五世同居

袁扶鼎 齒德兼隆七世同居

任天禧 秉性祥和

任天位 天性淳謹

葛攀檜 樂施睦族五世同居

葛攀楷 樸素醇正

王佑 濟饑扶困材鄰感德

寶雞縣志

卷之七 人物

四

劉仕 為人敦厚

王天祥

李昌先 尚義急公

魏養義 敦睦勤儉

仝澤 和讓可嘉

周養龍 持身端方

董文正 待人恭恕

孫超 農官

耆壽

王澤深

八魚里人學富行優邑令延飲不就旌曰理學嘉賓

郭渭源

字海聞耕讀終身足不履公延壽九十旌以永錫難年

甘文淵

安平里民讀書業醫一視同仁鄉里推重壽九十四

孫緒位

甲軍所民淳樸積學現年九十五

容乃宏

孝悌里民頗涉書史幼孤敬兄如父鄉人欽仰壽七十六

李士魁

晁峪里民好善喜施造橋捨藥壽八十有三

蘭希友

崇德里民渾厚樸誠有古人風現年八十一

高秋

宣明里民樸誠友讓於物無忤現年八十二歲

張漢柱

務本里民現年八十六

寶雞縣志

卷之七 人物

五

羅安

清泉里民現年八十五

楊永春

永寧里民樂善好施壽八十八卒

秦建基

孝悌里民現年八十三

潘泗士

富國里民膺倉正溫厚廉平壽八十一

張國治

務本里民孺慕維誠事親無間壽七十八

李維新

淳化里民善事繼母友于兄弟壽八十七

李培生

淳化里民慈義之聲播稱閭里壽八十三

張文燦

福緣里民壽九十有八

李元憲

廩生淳化里人孝友溫恭壽七旬

索顯誠

甲軍所民有忠厚長者之稱壽九十有六

柳玉

崇德里民醇謹好善壽八十有二

李勝重

孝悌里民麥貲周人不求必償壽七十餘

林恒春

壽南里民生平友愛慷慨獨造橋船于渭之私渡通濟行人壽七十有七

方伎

史傳方伎匪直小道可觀蓋能前民用亦先聖之緒餘如醫卜書畫之術非博極古人之書而會通其理神明其用未易臻乎其妙而擅長也業有成效似不容沒志方伎

明

劉鳳慕儀里民精於醫一望氣色便知徵應能踰年決人生死皆如其言其於人無貴賤貧富渾

寶雞縣志

卷之七 人物

吳

一視之從不計利時號爲一方司命

國朝

高允升壽南里民通醫理康熙十三年鄂將軍駐寶勦寇中鉛子入前胸溜至後腰諸醫束手允升先用藥卽以刀刺直從腰取出將軍無恙得奏凱一時官兵帶傷全活者甚衆鄂題其廬曰華公神術邑令徐公之子臥病數月諸醫莫効允升視之未及診脉見其咳嗽數聲吐出痰涎其氣臭甚謂之曰公子非病也瘡耳瘡在肺經

已出毒矣當早愈只因飲茶過多故遲遲至今
徐公曰然則如之何曰無慮再勿飲茶因炙一
焦留藥一劑飲之而愈徐公賜扁曰良方起疾
允升生平孝義治病不索貧人謝時稱爲醫名
家遊西安所活無算旗人感之率以高字名其
子女以誌更生云年八十七卒

陳備恪字子敬宣明里人少補邑庠武生好讀書
明三箴通周易數善占陰晴旱澇豐歉談笑中
俱有徵應嘗言西南當有小醜擾邊然無足爲

患應在後五年間旣而果有金川之釁又嘗爲
人選擇葬日曰大吉但不免遇雷霆風雨耳至
期天無雲而忽變大雨沛注霹靂交作又選吉
示主人曰某時汝視東南當有烏鵲鳴遶其上
乃其時也比視皆驗恪爲人揮金如洒不以貧
富羈胸精於數歿後十餘年其言無有或爽者
又傳能八門陣術以鋤畫渠引水布園中浮草
葉其上入生門則終流而出入死門則否人皆
服以爲奇年七十預知卒時月日

彭永壽號眉山孝悌里人善畫名家山水每閉戶
凝神時開一牖終日不與俗人語涉書史書法
指法皆通家貧甚隨意寫以持贈不必取值年
三十而歿所畫皆爲人取去寶藏如珍